

CENTRALNA BANKA
BOSNE I HERCEGOVINE
Broj: 150-15-4-956-3/18 TT
Sarajevo, 4. 7.2018. godine

Na osnovu člana 70. stav (1) i (3) Zakona o javnim nabavkama («Službeni glasnik BiH», 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine, člana 13. stav (3), člana 43. stav (1) i člana 45. stav (1) Pravilnika o javnim nabavkama Centralne banke Bosne i Hercegovine, broj: UV-122-01-1-11/18 RJ od 30.01.2018. godine, guverner Centralne banke Bosne i Hercegovine, donosi

O D L U K U

o izboru najpovoljnijeg ponuđača u postupku javne nabavke usluga – štampanje publikacija
Centralne banke Bosne i Hercegovine, putem otvorenog postupka

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku usluga – štampanje publikacija Centralne banke Bosne i Hercegovine, putem otvorenog postupka, dodjeljuje ponuđaču ŠTAMPARIJA FOJNICA d.d. Fojnica, u svemu prema Ponudi broj: 131/18-2 od 14. maja 2018. godine i Izvještaju o toku i završetku e-aukcije.

Član 2.

Prema Izvještaju o toku i završetku e-aukcije, Ponuda ponuđača iz člana 1. ove odluke, glasi na iznos od:

16.300,00 KM bez uračunatog PDV-a
(slovima: šesnaesthiljadatristotine i 00/100 konvertibilnih maraka)

odnosno

19.071,00 KM sa uračunatim PDV-om
(slovima: devetnaesthiljadasedamdesetjedan i 00/100 konvertibilnih maraka)

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za statistiku i publikacije Centralnog ureda Centralne banke Bosne i Hercegovine (u daljem tekstu: Odjeljenje za statistiku i publikacije).

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za javne nabavke, Odjeljenje za statistiku i publikacije i Odjeljenje za računovodstvo i finansije Centralnog ureda Centralne banke Bosne i Hercegovine.

Član 6.

Ova odluka će se objaviti na web stranici Centralne banke Bosne i Hercegovine, www.cbbh.ba, istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

Član 7.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga – štampanje publikacija Centralne banke Bosne i Hercegovine, putem otvorenog postupka, pokrenut je Odlukom o pokretanju postupka, broj: 150-15-4-956-2/18 SAK od 21. marta 2018.godine. U skladu s tim, Centralna banka je 30. aprila 2018. godine na portalu Javnih nabavki objavila Obavještenje o nabavci broj: 1370-1-2-267-3-95/18.

U roku određenom za prijem ponuda, odnosno do 16. maja 2018. godine, blagovremeno je dostavljeno pet ponuda i to:

1. ŠTAMPARIJA FOJNICA d.d., Prokoški put bb, 71270 Fojnica,
2. GRAFIČAR d.o.o. Bihać, Plješevička 20, 77204 Bihać,
3. OFF – SET d.o.o. Tuzla, Otokara Keršovanija 78, 75000 Tuzla,
4. COMPEX d.o.o. Banja Luka, Braće Pišteljić 1, 78000 Banja Luka i
5. SVJETLOSTKOMERC d.d., Muhameda Kantardžića 3, 71000 Sarajevo.

Komisija nadležna za provođenje postupka javne nabavke (u daljem tekstu: Komisija) je nakon izvršenog pregleda i ocjene ponude konstatovala sljedeće:

Pristigla Ponude ponuđača: GRAFIČAR d.o.o., COMPEX d.o.o i SVJETLOSTKOMERC d.d su odbačene kao neprihvatljive jer navedeni ponuđači nisu dostavili dokaze da ispunjavaju uslove tražene u tački 4.1. pod b), odjeljka C Tenderske dokumentacije. Svi navedeni ponuđači su dostavili potvrde o uspješno realizovanim ugovorima, međutim ni u jednoj potvrdi nije navedeno da su predmet ugovora usluge štampanja publikacija, što je izričito traženo uslovima za tehničku i profesionalnu sposobnost ponuđača definisanim u odjeljku C, tačka 4.1 pod b) Tenderske dokumentacije. Također, ponuđač SVJETLOSTKOMERC d.d je dostavio nepotpun Aneks 1. Tenderske dokumentacije, gdje nije naveo cijenu ponude u tački 3. Obrasca za dostavljanje ponude.

Komisija je konstatovala da pristigle Ponude ponuđača ŠTAMPARIJA FOJNICA d.d i OFF – SET d.o.o zadovoljavaju sve uslove tražene tenderskom dokumentacijom te je shodno tome zakazala e-aukciju za datum 24.05.2018. godine u 10:00 sati.

U skladu sa kriterijem najniža cijena i Izvještajem o toku i završetku e – aukcije, Komisija je u svom Zapisniku o pregledu i ocjeni ponuda broj: 149-15-4-1417-9/18 od 28. maja 2018. godine i Izvještaju o radu Komisije sa Preporukom broj: 149-15-4-1417-10/18 od 28. maja 2018. godine, dala preporuku za donošenje odluke kao u dispozitivu.

Pouka o pravnom lijeku:

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 dana od dana prijema ove odluke.

 **GUVERNER**
Senad Softić
dr Senad Softić

Dostaviti:

- guverneru
- viceguvernerima
- uredu glavnog internog revizora
- sekretaru Uprave i Upravnog vijeća
- predsjedniku i članovima komisije
- Odjeljenju za statistiku i publikacije
- Odjeljenju za računovodstvo i finansije (original)
- Odjeljenju za javne nabavke (original)
- Odjeljenju za ljudske resurse
- u spis predmeta (original)
- arhiva